

▲ 题图 北宋 李公麟 西岳降灵图卷（局部）

本期主持：Chen

“夜读北朝诗第三弹，滞留北方的南方文人。”

---

## 01

断句

刘昶

白云满鄣来，黄尘暗天起。  
关山四面绝，故乡几千里。

## 02

听钟鸣

萧综

历历听钟鸣，当知在帝城，  
西树隐落月，东窗见晓星，  
雾露肱肱未分明，鸟啼哑哑已流声，  
惊客思，动客情，客思郁纵横，  
翩翩孤雁何所栖，依依别鹤半夜啼，  
今岁行已暮，雨雪向凄凄，

飞蓬旦夕起，杨柳尚翻低，  
气郁结，涕滂沱，  
愁思无所托，强作听钟歌。

## 03

### 悲落叶

萧综

悲落叶。联翩下重叠。  
重叠落且飞。从横去不归。  
长枝交荫昔何密。黄鸟关关动相失。  
夕蕊杂凝露。朝花翻乱日。  
乱春日。起春风。  
春风春日此时同。  
一霜两霜犹可当。五晨六旦已飒黄。  
乍逐惊风举。高下任飘飏。  
悲落叶。落叶何时还。  
夙昔共根本。无复一相关。  
各随灰土去。高枝难重攀。

## 04

伽蓝记曰：洛阳城南正觉寺。尚书令王肃所立也。肃在江南。娶谢氏女。及至京师。复尚公主。其后谢氏为尼来奔。作诗赠肃。公主亦

代肃赠谢。肃闻之甚恨。遂造正觉寺以憩之。

赠王肃

陈郡谢氏

本为箔上蚕，今作机上丝。  
得络逐胜去，颇忆繾绵时。

代答诗

陈留长公主

针是贯绅物。目中常絰丝。  
得帛缝新去。何能衲故时。

## 05

听琴

萧悫

洞门凉气满，闲馆夕阴生。  
弦随流水急，调杂秋风清。  
掩抑朝飞弄，凄断夜啼声。  
至人齐物我，持此悦高情。

## 06

### 春庭晚望诗

萧悫

春庭聊纵望，楼台自相隐。  
窗梅落晚花，池竹开初荀。  
泉鸣知水急，云来觉山近。  
不愁花不飞，到畏花飞尽。

## 07

### 早春

宗凜

昨暝春风起，今朝春气来。  
莺鸣一两啭，花树数重开。  
散粉成初蝶，剪彩作新梅。  
游客伤千里，无暇上高台。

---

#### Reference

逯钦立辑校 <先秦汉魏晋南北朝诗> 中华书局